



**BOSTON
PUBLIC
LIBRARY**



23368



1000

MS 172

BALET
RIDICVLE
DES NIECES DE MAZARIN.
OV LEVR
THEATRE
RENVERSE' EN FRANCE.

Par P. D. P. Sieur de Carigny.



A PARIS,
Chez FRANCOIS MUSNIER, au mont Saint
Hilaire, pres le puis Certain.
M. DC. XLIX.
AVEC PERMISSION.





LE BALET RIDICVLE

des Nieces de Mazarin , ou leur
Theatre renuersé en France.

E M I L I A,



Ly a long-tems que ie medite a par moy, Seigneur, Phamphilio, quelque piece grotesque, pour diuertir l'esprit de ces ieunes Italiennes, que la fortune de l'Eminentissime, fait passer en France pour des Princeesses de nouuelles edition. Mais certes il semble que tout s'accorde à mon dessein; car comme ie manque d'inuention pour y bien reüssir, j'ay besoin de vous, mon braue, ie sçay que vous estes infiniment adroit, & que vostre esprit est vne source inepuisable de belles choses, puis que le Seigneur Mazarin s'est seruy de vous en pareilles rencontres lors qu'il a fait iouer des pieces qui ne luy coutoient rien, quoy que la depense en fut importante.

PHAMPHILIO.

Il est tres-certain , Seignora Emilia , que ce bon Seigneur a souuent ry au depens des François qui versoiene des larmes de regret des profusions qu'il faisoit sans delier sa bourse. Il a imité ces Charlatans qui diuertissent la populace par des ieux de passe-passe lors qu'ils ont attiré des Coupeurs de bourses qui leur fouillent dans la pochette. Quand à moy ie me suis engraisé par ce moyen sans me mettre en peine qui pouuoit en deuenir maigre , & vous sçauiez que c'est le propre de l'humeur Italienne qui treuve le gain de bonne odeur, de quelque part qu'il vienne. Il est vray que la pluspart des François en font aujourd'huy le mesme. Tant de Partisans qui sont logez comme des monarques qui n'ont esté autrefois que de simples valets à cour leurs confirment assez la verité que j'anonce.

E M I L I A.

Tout beau, mon braue, & d'ou vous vient ce caprice aujourdhuy ? vous faites vne satire contre les malheurs de ce siecle lors que nous cherchons quelque passe-temps pour tuer la melancholie, quoy ne craignez vous point la boete aux caillous ? d'autres ont esté mis en Cage qui n'auoient point chanté si hautement.

PHAMPHILIO.

Pour moy ie ne crains plus rien, j'ay mon compte, ie vogue a pleines voilles, & ie puis me retirer en mon pays chargé de pistolles que j'ay gagnées en riant & en faisans rire les autres.

E M I L I A.

EMILIA.

Il faut auoüer qu'il y a peu de personnes en toute l'Italie qui entende si bien que vous l'intrigue du Theatre, & que vous inuentez des farces qui feroient rire les Morts. C'est pour cela que ie beny ma destinée qui fait que ie uous treuve si à propos, sçachant biẽ que vous pouuez en peu d'heures inuenter quelque chose de diuertissant. Trauaillez y dont ie vous en prie pour dissiper le chagrin de ces ieunes Italiennes, ie ne manqueray pas à ce qui est necessaire pour ouurir vostre veine inuentiue.

P H A M P H I L I O.

Il est vray que l'argent est la clef des inuentions les plus nobles, & que sans luy on ne fait rien qui plaise, sur l'esperance que vous me donnez de la recompense ie m'en vay inuenter quelque piece iolie pour ce carnaual. En carefme, comme en Carefme, au Mardy gras, comme au Mardy gras.

EMILIA.

Allez donc ie vous en coniure de tout mon cœur, cependant ie vay aduertir la Compagnie qui m'attend que nous aurons à ce soir de quoy rire à gorge deployée, & puis apres le Balet ie donneray ordre que l'on nous prepare force confitures, de la Marmelade, & toutes les autres delices de la geule. Adieu donc iusques à tantost.

P A M P H I L I O.

Adieu la plus royalle d'entre les femmes. Il faut que ie tire de ma caboche quelque chose d'excellent; car ie suis certain que ie seray fort bien payé, il ny a personne qui fasse

mieux ses affaires vers l'Eminentissime que les Boufons, & toute cette troupe de gens de mesme farine. L'argent ne luy coute rien quand il le faut donner à ceux de mon mestier, & certes ie tiens qu'il vaut mieux estre aujourd'huy farceur, que bon Philosophe, bon Poëte, bon Orateur, ou grand Capitaine. Voyez vous, vous tous qui m'escoutez, ie suis aujourd'huy en l'humeur de dire tout ce ie que pense, & lors que chacun se masque, ie marche à découuert, & lors que plusieurs font les fous, ie fay le sage. Mais il est temps que ie m'aille mettre en estat conuenable pour faire rire, & que ie me retire en mon cabinet pour consulter Rabelais sur ce que i'ay à faire pour diuertir ces petites Princeesses inconnuës. Si la signora Emilia me treuuoit encore icy tout seroit perdu, ie n'aurois que la moitié de l'argent que j'espere; il me semble que j'entens quelques personnes qui parlent, & ce n'est pas vous, au moins Messieurs à qui ie parle, ma foy non ie suis perdu si ie ne suis.

EMILIA.

Il me semble, mes Dames, que vous n'avez pas à present la fraischeur ordinaire qui pare vostre teint, quoy que vous n'ayez maintenant graces à Dieu que des matieres de ioye. Vous estes, ou peu s'en faut adorées en la Cour de France, ou vous destine de riches partis apres tant de felicittez vous ne pouuez plus rien demander au Ciel sans quelque sorte d'iniustice.

FALCONIE. *Niece.*

Vrayment vous nous en contez de belles, & quoy ne scauez vous pas, qu'il ny a rien de plus inconstant que la fortune, & que celle qui nous montre au matin vn visage riant,

7
nous tourne le dos apres midy. Pour moy i'aprehende les trop grandes faueurs de la fortune, & ie me figure que nous serons contraintes vn de ces iours de retourner au lieu d'ou nous sommes venuës. Il y a ie ne scay quoy dans mon esprit qui m'en donne à tout moment quelque crainte, & cette peur est confirmée par des songes lugubres. Le mesme arriue presque toutes les nuiets à mes deux autres sœurs, & quoy que l'on m'aye deja aduertie du Balet que vous voulez que nous dancions, ie ne scay quel en sera le Theatre, puis qu'il ny a point de lieu en terre de longue consistence pour nous. Je pense que le plus beau des branles que nous serons contraintes de dancer sera vn branle de sortie.

EMILIA.

Ces presages m'estonnent, & ie suis toute surprise de ces apprehensions qu'une trop grande sagesse vous donne. Il ne faut pas par la crainte preuenir vn mal qui possible n'arriuera pas,

FALCONIA.

Quoy que vous en puissiez dire, ie n'ay garde de dancer, ie le ferois de trop mauuaise grace.

EMILIA.

Quoy; ne scauez vous pas que Monsieur vostre oncle, tres illustre, à qui il ne manque plus que la Thyare sur la teste, a ordonné de tout, pour vous faire dancer à la veüe de tout le beau mōde, dont la Cour est composee, vous scauez combien il est magnifique, quand, il ne luy en couste rien, & qu'il ne faut pas que vous resistiez à ses volonteiz, qui sont aussi souueraines que les diademes.

FALCONIA.

Il faut auoüer, Signora Emilia; que tout l'art de l'éloquence, n'est point assez puissant pour m'obliger à monter sur vn Theatre qui chancelle, & d'où ie ne pourrois tomber sans me rompre le col.

EMILIA.

Ie croy que vous iugez de l'inconstance de la fortune, par la legereté de celles de vostre sexe, & qu'estant femme elle fait gloire d'estre volage comme vous. Vostre oncle se peut vanter d'auoir arresté sa rouë, & ce sera pour vostre famille seulement qu'elle sera constante.

FALCONIA.

Tout ce que vous me dittes ne sont que des cajoleries il faudroit que ie fusse bien credule si i'adioutois foy à vos paroles, Il n'y a point de puissance icy bas qui ayt droit d'arrestter cette femme qui ne carresse iamais que pour nous, perdre. Sa rouë seulement me fair peur, & elle imite ceux qui égorgent les animaux lors qu'ils passent doucement la main au lieu ou ils veulent planter le cousteau.

EMILIA.

Il faut auoüer que vous auez bien mauuaise opinion d'elle.

CATILLA. *deuxiesme niepce de Mazarin.*

Vrayment il fait beau voir que vous passiez ainsi toute la iournée en des bagatelles, cependant que toute la ville est en armes contre ceux de nostre Patrie.

ERIFILA.

ERISILA, *Troisième niece de Mazarin.*

Nous sommes toutes perduës, ie viens d'entendre chanter par la ruë des vaudevilles contre nostre Oncle, & ie viens de treuver sur nostre table vn pasquin aussi sanglant, qu'on en puisse iamais faire.

EMILIA.

Ie vois si cela est que les François ont leué le masque : mais peut estre que tout ce bruit ne durera pas.

ERISILA.

I'auois tousiours bien préueu, sans en rien dire que la chance de nostre oncle se pourroit changer. I'aperçoy Pamphilo avec vn certain Gentil-homme François, de qui nous pourrions apprendre des nouuelles : mais il faut nous cacher, afin qu'ils parlent avec plus de liberté.

PAMPHILIO.

He bien cher Polidore, qui y a il de nouveau dans la ville, i'ay bien peur qu'il faudra retourner en Italie. Ha la malheure, i'estois sur le point de faire voir à toute la France, vn balet merueilleux en inuentions, & en décorations de Theatre ou i'aurois pû gagner quelque chose de bon.

POLIDORE.

Pour te dire en deux mots tout ce que i'en pense, & selon le bruit qui court, la France va prendre le balet pour vous renvoyer en Sicile, & pour balier les plus grosses ordures. Je suis fasché de vous dire mon sentiment avec tant de franchise : mais c'est ma coustume de parler ainsi avec mes

amis; Quoy que vous foyez de ce nombre, j'ayme beaucoup plus ma Patrie, & ie ne voy pas que les estrangers ayent iamais apporté quelque vtilité à la France, ils en ont tousiours esté la ruine, témoin vostre Mazarin, que tous les Arcopages viennent de cōdamner, comme l'ennemy de ce Royaume, & le perturbateur du repos public. Ie voy bien que cette nouuelle n'est pas de celles qui vous plaisent, & qu'elle est bien rude à ceux qui se preparent pour vn balet.

P A M P H I L I O.

Quant à moy i'en suis tellement surpris, que ie voy bien que nostre Theatre sera avec raison appellé le Theatre renuersé; qu'en sera il donc de toute la famille de nostre bon maistre, qui a si mal ioué son personnage?

P O L I D O R E.

Il faut croire qu'elle aura vn destin aussi pitoyable que le sien, & que vos Princesses fabuleuses feront l'entretien ridicule de toutes les compagnies, & qu'elles s'en retourneront pour aller filler leur quenouilles. Et ce sont là les ieux de la fortune, qui veut que toute chose retourne à son origine.

P A M P H I L I O.

Ie n'oserois porter cette mauuaise nouuelle à ces Princesses de carte, de peur qu'elle ne me mettent en plus de pieces qu'Orphee ne le fut par les Bachantes. Voila yne estrange castastrophe, pour celles qui n'auroient point d'autre but que de s'asoir sous vn dais, & cette fin est bien tragique pour yne farce qui deuoit estre accompagnée d'vn Balet. Ie pense que le meilleur pour moy est de me retirer a petit

bruit, & leur porte qui voudra la nouvelle de toutes ces choses.

P O L I D O R E.

I'en laisse, aussi bien que vous la commission à qui la voudra prendre, ie ne me plaist pas à ces intrigues, où il n'y a rien à profiter.

P A M P H I L I O.

Ie pensois que nous fussions les seuls entre les hommes qui ayment le lucre.

P O L I D O R E.

Vostre Mazarin nous a appris à deuenir auares, & mesme ie ne voy pas qu'il vous reste encore quelque chose en France que l'on puisse ménager, puis que ce Ministre nous a tout pillé.

P A M P H I L I O,

Il me semble pourtant qu'il vous reste encore quelque chose.

P O L I D O R E.

Il n'y a plus que le cœur qu'il n'a sçeu prendre : mais c'est comme ie croy que les Italiens n'en veulent qu'à la bourse. Messieurs ie vous conseille d'auertir le Mazarin & toute sa sequelle que le ieu est fini, & que le Theatre est renuersé.

FIN DU BALET.

THE BIBLE

THE BIBLE is the sacred book of the Jews and Christians. It contains the history, laws, and prophecies of the Jewish people, and the life and teachings of Jesus Christ.

THE OLD TESTAMENT

The Old Testament is the first part of the Bible. It contains the history of the Jewish people from the time of Adam to the time of the Babylonian captivity.

THE NEW TESTAMENT

The New Testament is the second part of the Bible. It contains the life and teachings of Jesus Christ, and the writings of the apostles.

THE GOSPELS

The Gospels are the four books of the New Testament that tell the story of the life and teachings of Jesus Christ.

THE EPISTLES

The Epistles are the letters written by the apostles to the churches. They contain teachings and advice for the Christian community.

THE BOOK OF REVELATION



